



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Opvs De Iudiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos &  
Festos, ab ipso Auctore confectus

**Stengel, Georg**

**Ingolstadii, 1651**

12. Discrimen periculis se se committentium; & stultitia nolentium è  
periculis eripi.

**urn:nbn:de:hbz:466:1-45701**

210 *Cap. XXI. Sept. morb. causa, piculis se exponentium temeritas, videmus minutissimas aues, cum diem aurora producit, in quibusdam nidorum cubiculis varia dulcedine personare, ut Creatorem suum, quia loquela non possunt, suauitate demulceant? aues propter vilissimas escas, gratias agunt, tu pretiosissimis epulis pascaris, & ingratus es? imitare ergo frater aues mane & vesperi Creatori gratias referendo. Et, si es deuotior, imitare lusciniam, qua & nocturna spatia peruigili cantilena decurrit. Ad quid tot gratiarum actiones? nisi quia non possumus gratias agere sufficientes, cum singulis horis, imò momentis beneficijs diuinis cumulemur, & periculis innumeris eripiamur, aut ab ijs præferuemur.*

XII. *Per mare rubrum & Israëlita, & Ægyptij transire voluerunt: hi merfi & fluctibus cooperti sunt, illi illæsi & sicco vestigio transierunt. Nimirum alio pacto impij & mali, alio DEI serui in periculis versantur. Sicut enim Israëlita à DEO iussi in viam illam intrarunt; ita Ægyptij spontè, & animo persequendi, semitis illis institerunt. Hinc illi intra ipsos fluctus incolumes seruari sunt, Pharaonem cum exercitu, & omnes Ægyptij perierunt. Ad eundem modum quotidie contingit hominibus periclitari. Alij, ut DEI legibus & mandatis pareant, ut fugiant malas societates, ut se non inebrient, ut iniusta non approbent, ut fidem orthodoxam non negent, de fortuna, de sanitate, de vita periclitantur, quare se minis, insidijs, tyrannis exponunt, & cum Apostolis*

*Actor. 5. 40. cæsi eunt gaudentes, & DEO gratias agentes, quoniam digni habiti sunt, pro nomine IESU contumeliam pati. Hi, sanguine quoque effuso, velut per mare rubrum, euadunt ad littus & portum æternæ beatitudinis. Qui verò secuti Pharaonem temerè & maleuolè intrant in medios fluctus, seque omni periculo spontè & vltro exponunt, an non digni sunt, ut & vulnera & mille damna patiantur? Tantoque magis illis dici potest: *Perditio tua, Israël; tantummodo in me auxilium tuum; quia etiam temerè pericula adeuntes toties seruat; quid mirum est, si auxilium non agnoscetes, si toties ad scopulum recurrentes, si etiam, ne cadant, retinere volentem**

*Osee. 13. 9. blasphemantes tandem sinat ire, & perire? Qui amat periculum, in illo peribit. Canem quidam molitor habebat, qui feruentiore sole astuans, ut se refrigeraret, ex alta ripa in concitum flumen salire amabat. Facilis descensus erat, sed difficile gradum reuocare.*

care. Cū ergo aquis innatando fessus esset, latrare incipiebat. Accurrit molitor, & in terram pronus porrecta manu eum aliquoties extraxit, ne rapido alvei impetu superatus atque abruptus in Molendini rotas incurreret, ac laceratus in profundum iret. Aliquando eodem delapsus vidit, denuoque humi prostratus manum extendit ad eum extrahendum; sed canis, quia diutius se se refrigerare, & in aquis ludere cupiebat, manum molitoris momordit, ne extraheretur. Indignatus igitur molitor ingratae bestiae, illinc discessit; neque postea, eo multum latrante, rediit ad ripam. Prævalente igitur aqua, & lassatis viribus, in rotas abductus, miserè periit, molitore nihil amplius mordacem bestiam curante. Quoties hoc hominibus contingit? Spontè de saxo saliant. Spontè in fluctus se spargunt. Spontè ad cauponas eunt, ubi post pocula lites, rixæ, cædes reperiuntur. Spontè eunt, ut se noxio nimioque potu refrigerent; spontè lupanaria adeunt, ubi rivalibus se sauciandos exponunt. Aliquoties inde à parentibus, magistris, bonis socijs, quin & Confessarijs extrahuntur. Inciderunt aliquoties in dolores capitis, in stomachi cruditates, in febres; & inde quoque arte medica extrahuntur. Sed toties itur in antiquam siluam, ut tandem consuetudine potandi, rixandi, scortandi contracta, non sinant se amplius extrahi; immò ut extrahere, monendo, adhortando, rogando, obseruando, increpando volentes mordeant, dictis pessimis differant, ac demum etiam calumnijs, imprecationibus, blasphemijs lacerent. Quid ni tales à mortalibus & immortalibus pariter deserantur? Quem isti tandem accusabunt? diabolos? homines? DEVM? nequaquam. Ipsi sibi sunt suorum morborum, ipsi suorum vulnerum, ipsi suorum exitiorum causa.

Quod insigniter expressit Musæus Poëta, in fabula illa, aut fortasse historia Leandri & Erûs, quam heroico descripsit carmine. Hellespontiacum mare, septem tantum stadijs, teste Plinio, Europam ab Asia diuidens, Seston in Europa Erûs patriam, & Abydon in Asia, ex qua fuit Leander, aduersas vrbes habet. Cū itaque Leander Abydenus Sestiam puellam Ero, siue Hero miserè deperiret, non dubitauit, se mari committere, & nocte per Hellespontum ad eam in Sestum transnatare. Quod ubi aliquo-

XIII.